

1.

我平常時就愛食四秀仔，常 (tshiāng) 在佇暗時功課寫煞，就會去買一大堆的餅佻涼的坐咧澎椅頂那看電視那食，阿母攏念我正頓毋食，四秀較濟嘛好，食物件嘛愛注意環境衛生，桌仔頂椅仔頂若潑垃圾就愛拭予清氣。

2.

有時佇客廳食無夠，閣提入去房間食來鬥，糖仔餅仔排甲規桌頂，糞埤桶內底攏是餅橐仔，塗跤全餅屑仔咧規排的狗蟻對眠床咬趁出來，環境衛生足標的，阿母看我躺佇眠床頂抑咧食餅，驚我無洗喙就去睏，閣交代我愛會記得洗喙，我是正耳聽，倒耳出，隨聽隨袂記得。

3.

有一暗我全款那看冊那食四秀仔，愈食愈歡喜食甲攏無咧擰節，雄雄感覺喙齒有夠疼，疼甲一个面腫甲若麵龜咧，三更半暝醫生館嘛攏歇睏矣，姑不而將只好忍耐，躺佇眠床頂痛規暝攏無法度睏。

4.

一透早，我就緊去齒科看喙齒，醫生講：你的喙齒蛀甲真食力，平常時愛注意衛生，物件食煞愛會記得隨去洗喙抑是漚喙，若無閣蛀落去，凡勢就愛挽喙齒囉~我是驚甲必必掣。

有這擺的經驗予我知影食四秀愛擰節，物件食煞愛會記得洗喙抑是漚喙注意衛生，才袂討皮痛。

問題提問：

1. 講看覓平常時你按怎做好喙齒的保健？
2. 佇厝裡你會按怎維護境衛生咧？